



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1931 წლის დეკემბრის 31.</p>	<p>№ 24 განყოფილება ბირველი</p>	<p>ა/კსფსრ სახალ. კომისართა საბჭოს საქმეთა მმართვე- ლობის მიერ გამოცემული.</p>
------------------------------------	--	--

შ ი ნ ა რ ს ი:

დადგენილებანი ამიერკავკასიის ცენტრალური აღმასრულებელი კომიტეტისა.

- მუხ. 256. ქ. ტფილისში ოთხი სარაიონო საბჭოს მოწყობის შესახებ.
 „ 257. 1932 წლის სასილოსო კამპანიის უზრუნველყოფისა და 1931 წელს დამზადებული სა-
 სილოსო მასსის გამოყენების ღონისძიებათა შესახებ.

დადგენილებანი ა/კსფსრ სახალხო კომისართა საბჭოსი.

- „ 258. ავტო-მოტო-ტრანსპორტის აღნუსხვის შესახებ.
 „ 259. 1932 წელს ა/კსფსრ სახალხო მეურნეობის შრომის ბალანსების წარდგენის ვადების
 შეცვლის შესახებ.
 „ 260. ა/კსფსრ-ში 1932 წლისთვის ხელშეკრულებათა დადების შესახებ.
 „ 261. საექსპორტო ხეტყის დატვირთვაზე პორტებში მოსაქმე მუშებისათვის შეღავათების
 მინიჭების შესახებ.

დადგენილება ამიერკავკასიის ცენტრალური აღმასრულებელი კომიტეტისა.

256. ქ. ტფილისში ოთხი სარაიონო საბჭოს მოწყობის შესახებ.

მოისმინა-რა ტფილისის საქალაქო საბჭოს თავმჯდომარის ამხ. მაჩაიძის
 მოხსენება—ქ. ტფილისში სარაიონო საბჭოების ორგანიზაციის მსგელობის შე-
 სახებ,—ამიერკავკასიის ცენტრალური აღმასრულებელი კომიტეტის პრეზიდიუმში
 აღნიშნავს:

I. ქ. ტფილისის ტერიტორიაზე სარაიონო საბჭოების ორგანიზაცია,—
 რასაც მიზნად აქვს მმართველობის აპარატის მშრომელთა მასებისათვის დაახ-

ლოება და მმართველობის საქმეში რაც შეიძლება მეტი მასსების ჩაბმა, რათა სოციალისტური მშენებლობის თვითეული ნაწილი უზრუნველყოფილ იქნეს კონკრეტული და ოპერატიული ხელმძღვანელობით, — უაღრესი პოლიტიკური მნიშვნელობის რეფორმაა, რამაც უნდა გამოიწვიოს ტფილისის საქალაქო საბჭოს მთელი მუშაობის ძირითადი გარდაქმნა.

II. მაგრამ ეს უაღრესი პოლიტიკური რეფორმა სათანადოდ ვერ იქნა შეფასებული საქართველოს ცენტრალური აღმასრულებელი კომიტეტის პრეზიდიუმისა, ცალკეული სახალხო კომისარიატებისა და ბეჭდვითი სიტყვის ორგანოების მიერ და იგი ჩატარებულ იქნა ვიწრო-უწყებითი ხაზით; არ იყო განხორციელებული მასსების შემოქმედებითი აქტიობის მობილიზაცია სამრეწველო-საფინანსო გეგმის აღსრულების პრაქტიკულ ღონისძიებათა გარშემო და საქალაქო მეურნეობის საკითხების უყუთესად გადაწყვეტისათვის; საქმისადმი ასეთმა მოპყრობამ გამოიწვია მთელი რიგი დეფექტები, რომელთა შორისაც ძირითადი შემდეგია:

ა) სარაიონო საბჭოების მოწყობა სწარმოებდა სხვა ქალაქების, კერძოდ ა/კფსრ-ში ქ. ბაქოს, სარაიონო საბჭოების მუშაობის პრაქტიკისა და გამოცდილების წინასწარ შეუსწავლელად;

ბ) ამ რეფორმის ჩატარებას წინ არ უძღოდა ფართოდ გაშლილი მასსური განმარტებითი კამპანია, რასაც უნდა უზრუნველყო სარაიონო საბჭოების როლისა და მნიშვნელობის ამაღლება სარეკონსტრუქციო პერიოდის მოთხოვნათა დონემდე;

გ) სარაიონო საბჭოების ორგანიზაცია და ტფილისის საქალაქო საბჭოს მუშაობის გარდაქმნა დაკავშირებული არ იყო ამხ. სტალინის ექვსი დირექტივის საფუძველზე დამყარებული თვითშემოწმების მსვლელობასთან;

დ) თუმცა სარაიონო საბჭოები ორგანიზაციულად ჩამოყალიბდნენ 25—27 ოქტომბრის პერიოდის განმავლობაში, მაინც ისინი ფაქტიურად არაერთარ მუშაობას არ აწარმოებენ, აქამდე მათ სადგომები არ მიეცათ და დამოუკიდებელი ბიუჯეტები არ აქვთ;

ე) საერთო-საქალაქო საბჭოს ზოგიერთ განყოფილებაში შტატი გადიდებულია, თუმცა მთელი რიგი ოპერატიული ფუნქციები სარაიონო განყოფილებებს გადაეცა (კომუნალური მეურნეობის შტატი გადიდებულია 41 საშტატო ერთეულით);

ვ) შესწავლილი და დამუშავებული არ არის საკითხი წარმომადგენლობის ნორმებისა საერთო-საქალაქო და სარაიონო საბჭოებში; სარაიონო საბჭოების არჩევნების ჩატარებამ საერთო-საქალაქო საარჩევნო მეთოდით გამოიწვია საარჩევნო მეტრის ერთი-ორად შემცირება და ასეთივე გადიდება ამომრჩეველთა რიცხვისა ქ. ტფილისისათვის მთლიანად.

აღნიშნავს-რა ზემოდ ჩამოთვლილ ძირითად ნაკლოვანებათ, ამიერკავკასიის ცენტრალური აღმასრულებელი კომიტეტის პრეზიდიუმი ადგენს:

1. წინადადება მიეცეს საქართველოს ცენტრალურ აღმასრულებელ კომიტეტს:

ა) შეიმუშაოს ერთი დეკადის ვადაზე სარაიონო საბჭოების მუშაობის ძირითადი დებულებანი, რითაც გარკვევით განსაზღვროს სარაიონო საბჭოებისა და საქალაქო საბჭოს ფუნქციები და მათი ურთიერთი დამოკიდებულება ა/კსფსრ-ის საქალაქო საბჭოების ძირითად დებულებათა შესაბამისად (ა/კსფსრ კან. კრ. 1928 წ. მე-4 №-ი, მუხ. 45); შეისწავლოს სარაიონო საბჭოებისათვის მიღებული საარჩევნო მეტრის მიზანშეწონილობის საკითხი;

ბ) უზრუნველყოს სამუდამოდ პრაქტიკული დახმარება ტფილისის საბჭოს მთელი მუშაობის გარდაქმნის განხორციელების საქმეში, რაც გამომდინარეობს სარაიონო საბჭოების ორგანიზაციიდან, და იქონიოს კონტროლი, რათა მთლად საბჭოს მუშაობის გარდაქმნა მიმდინარეობდეს ანხ. სტალინის ექვსი დირექტივის საფუძველზე დამყარებული თვითშემოწმების მსვლელობის მიხედვით;

გ) იხმაროს ღონისძიება სარაიონო საბჭოების სათანადო სადგომებით უზრუნველსაყოფად არა უგვიანეს 1932 იანვრის 10-სა;

დ) ტფილისის საბჭომ და სარაიონო საბჭოებმა თავიანთი შემდგომი მუშაობით უნდა ორგანიზაციულად უზრუნველყონ რაც შეიძლება მეტი მასების ჩაბმა საბჭოების მუშაობაში და საუკეთესო მუდმივი კავშირი ყველა საწარმოსთან, რისთვისაც: ა) უნდა მოახდინონ სექციების მუშაობის დიფერენცირება—მათი ქსელის გაფართოებით და ჯგუფური და ბრიგადული მუშაობის მეთოდზე გადაყვანით; ბ) უნდა შექმნან ყველა საწარმოში დებუტატთა ჯგუფები; გ) უნდა აწარმოონ სისტემატური მუშაობა სპეციალური კურსების მეშვეობით საბჭოთა აქტივის კადრების აღზრდისათვის საუკეთესო დამკერვლთაგან; დ) უნდა დაამყარონ ტფილისის საბჭოს და სარაიონო საბჭოების წევრთა სამუდამოდ კავშირი ყველა საწარმოსთან და სოციალურ-კულტურულ დაწესებულებებთან; ე) უნდა მპართან პერიოდულად ტფილისის საბჭოს, სარაიონო საბჭოებისა და მათი ორგანოების სხდომები ამა თუ იმ საწარმოში.

II. წინადადება მიეცეს ტფილისის საბჭოს—ჩატაროს ფართო განმარტებითი კამპანია—განხორციელებული რეფორმისა და მუშაობის შემდგომი გარდაქმნის თაობაზე—და უზრუნველყოს, ყველა საწარმოსა და დაწესებულებასთან არსებული დებუტატთა ჯგუფების მეშვეობით, მუშაკლასისა და მშრომელთა მასების ყურადღების მობილიზაცია ამ საგნის გარშემო.

III. წინადადება მიეცეს ბეჭდვითი სიტყვის რესპუბლიკანურ და სამხარეო ორგანოებს—ფართოდ გააშუქონ ტფილისის საბჭოს მუშაობის გარდაქმნის მსვლელობისა და განხორციელებული რეფორმის მნიშვნელობის საკითხები.

IV. წინადადება მიეცეს ამიერკავკასიის ცენტრალური აღმასრულებელი კომიტეტის საორგანიზაციო განყოფილებას—მოისმინოს 1932 წ. თებერვალში ტფილისის საბჭოს მოხსენება საერთო-საქალაქო საბჭოს მუშაობის შემდგომი გარდაქმნის შედეგების შესახებ.

ამიერკავკასიის ცენტრალური

აღმასრულებელი კომიტეტის თავმჯდომარე ფ. მახარაძე.

ამიერკავკასიის ცენტრალური

აღმასრულებელი კომიტეტის მდივნი გ. ხულთანავი.

1931 წ. დეკემბრის 22.

ტფილისი.

გამოქვეყნებულია „ზარია ვოსტოკა“-ს 345 №-ში 1931 წ. დეკემბრის 28-ს.

დადგენილება ამიერკავკასიის ცენტრალური აღმასრულებელი კომიტეტისა.

257. 1932 წლის სასილოსო კამპანიის უზრუნველყოფისა და 1931 წელს დამზადებული სასილოსო მასის გამოყენების ღონისძიებათა შესახებ.

მოისინია-რა ა/კსფსრ მიწათმოქმედების სახალხო კომისარიატის მოხსენება—დასილოსებისა და სასილოსო მშენებლობის 1931 წლის გეგმის შესრულების შესახებ,—ამიერკავკასიის ცენტრალური აღმასრულებელი კომიტეტის პრეზიდიუმი აღნიშნავს, რომ თუმცა ცალკეულმა რაიონებმა სასილოსო მშენებლობისა და დასილოსების დასახული გეგმა მთლად და ზოგან-კი გადამეტებითაც შეასრულეს, მაინც მთლიანად ა/კსფსრ-ში სასილოსო კამპანიის 1931 წ. დეკემბრის 20-თვის შესრულებულია მხოლოდ 25,7%-ით; განსაკუთრებით ჩამორჩნენ აზერბაიჯანი და საქართველო (11,3%-ი და 21,1%-ი) და სამარცხინოდ ჩაშალეს სასილოსო მუშაობა საბჭოთა მეცხოველეობის მეურნეობებმა: „მასლოტრესტ“-მა (ყოფ. „სკოტოვოდ“-მა) სასილოსო მშენებლობა ჩაატარა 19,3%-ით, სასილოსო მასის ჩაყრა—14%-ით; „ოვცევოდ“-მა—მშენებლობა და მასის ჩაყრა 30%-ით თითოეული; „სეინოვოდ“-მა—მშენებლობა 37%-ით, ჩაყრა—32%-ით; „ზაკევიკოპზ-ზ“-მა—მშენებლობა 25,1%-ით, ჩაყრა—17,5%-ით; „მოლოკოპროდუქტ“-მა (ლენინაკანის „სახკომბინატ“-მა)—მშენებლობა 41%-ით, ჩაყრა—27%-ით.

ეს გარღვეულობა შედეგია სასილოსო კამპანიის მემარჯვენე-ოპორტუნისტული შეუფასებლობისა, რის გამოც დასილოსების მუშაობა თვითდენაზე იყო მიწინააღმდეგე და თავიდან ბოლომდე გაუპიროვნებული; იგი უზრუნველყოფილი არ იყო სათანადო კადრებით და საჭირო საშენი მასალით; არ არსებობდა საკვლევო მუშაობა სასილოსო მშენებლობის ადგილობრივი პირობებისათვის შესაგუებლად; არ არსებობდა აგრეთვე დასილოსების საკითხების მასშტრული რიტერატურა და პრესა საკმარის ყურადღებას არ აქცევდა ამ საკითხებს.

ამიერკავკასიის ცენტრალური აღმასრულებელი კომიტეტის პრეზიდიუმი განსაკუთრებით აღნიშნავს, რომ რესპუბლიკანური სამეულების უმოქმედობისა და ამიერკავკასიის სასილოსო სამეულის სუსტი მუშაობის გამო პრეზიდიუმის 1931 წ. ოქტომბრის 28-ის დადგენილებამ „სასილოსო კამპანიის გარღვეულობათა ლიკვიდაციის შესახებ“ ვერ გამოიწვია სათანადო გარდატეხა სასილოსო მუშაობაში.

ამ ნაკლთა გამოსწორებისა და 1931 წელს დამზადებული სასილოსო მასის სავსებით გამოყენების მიზნით ამიერკავკასიის ცენტრალური აღმასრულებელი კომიტეტის პრეზიდიუმი აღვცნს:

1. ყველა სასილოსო სამეული დაშლილ იქნეს. წინადადება მიეცეს ა/კსფსრ მიწათმოქმედების სახალხო კომისარიატს—გამოკყოს ათი დღის ვადაზე რესპუბლიკების ყველა მიწათმოქმედების სახალხო კომისარიატში, სარაიონო საადგილო-მამულო განყოფილებაში და როგორც რესპუბლიკანური, ისე საერთო საკავ-

შირო მნიშვნელობის ყველა სასოფლო-სამეურნეო ორგანიზაციაში სპეციალური მომუშავენი, რომელნიც პერსონალურად პასუხისმგებელნი იქნებიან სასილოსო მასის სათანადო გამოყენებისათვის და 1932 წლის დასილოსებისა და სასილოსო მშენებლობის გეგმის შედგენისათვის. ა/კფსრ მიწათმოქმედების სახალხო კომისარიატისათვის გეგმების წარდგენის ვადად განისაზღვროს 1932 წ. იანვრის 10.

2. ა/კფსრ მიწათმოქმედების სახალხო კომისარიატმა უნდა უზრუნველ-წყოს 1932 წლისთვის დასახული სასილოსო კამპანიის გეგმების რაიონებამდე, საბჭოთა მეურნეობებამდე და კოლექტიურ მეურნეობებამდე მიწვევები 1932 წ. იანვრის 15-თვის—ისეთი ვარაუდით, რომ გეგმები განხილულ და გაზუსტებულ იქნეს ადგილებზე ადგილობრივი პირობებისა და ადგილობრივი საშენი მასალის გამოყენების შესაძლებლობის მიხედვით; ამ განხილვის საფუძველზე სარაიონო აღმასრულებელმა კომიტეტებმა უნდა შეადგინონ საჭირო ადგილობრივი საშენი მასალის დამზადების გეგმები და წარადგინონ განცხადებანი გარედან შემოსატანი მასალის შესახებ.

3. წინადადება მიეცეს ა/კფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს—უზრუნველსკონ რესპუბლიკანური სასოფლო-სამეურნეო სამშენებლო ტრესტების სისტემაში „სილოსოტროი“-ს სრულიად საკაფშირო სახელმწიფო კონტორის განყოფილებების ან რწმუნებულთა კონტორების შექმნა საბჭოთა მეურნეობების სისტემის სასილოსო მშენებლობისათვის დახმარებისა და ხელმძღვანელობის გასაწყვეად.

4. წინადადება მიეცეს ა/კ. საკოლმეურნეო ცენტრს—უზრუნველსკოს საკოლმეურნეო სისტემის სასილოსო მშენებლობა კონსულტაციით და ტექნიკური დახმარებით ა/კფსრ შედგენილობაში შემავალი რესპუბლიკების საკოლმეურნეო ცენტრებთან არსებული „ტექნიკური დახმარების“ ბიუროების მეშვეობით.

5. წინადადება მიეცეს ამიერკავკასიის ზოოტექნიკურ ინსტიტუტს—შეიმუშაოს 1932 წ. იანვრის 10-თვის სათვის კულტურების დარაიონება სასილოსოდ 1932 წლისთვის და გამოარკვიოს, ცალკეულ რაიონებთან შეფარდებით, ის კულტურები, რაც უზრუნველსყოფს მწვანე მასის მიღებას მთლად დასილოსების პერიოდის განმავლობაში.

6. მიენდოს ა/კფსრ მიწათმოქმედების სახალხო კომისარიატს—მოაწყოს სამეცნიერო-საკვლევო მუშაობა სხვადასხვა რაიონში აგებული ხევადასხვა ტიპის სასილოსო გოდოლებისა და სასილოსო მასის მდგომარეობის შესასწავლად.

7. რათა 1932 წელს სასილოსო მუშაობა უზრუნველყოფილ იქნეს საჭირო კადრებით, წინადადება მიეცეს ა/კფსრ მიწათმოქმედების სახალხო კომისარიატს და ა/კფსრ შედგენილობაში შემავალი რესპუბლიკების მიწათმოქმედების სახალხო კომისარიატებს—გამოიყენონ ზამთრის პერიოდი შემდეგ ღონისძიებათა განსახორციელებლად:

ა) 10 მომუშავეს წარვლინება სპეციალურ კურსებზე ცენტრში;

ბ) ორთვიანი კურსების ჩატარება დასილოსებისა და სასილოსო მშენებლობის სარაიონო სპეციალისტების მოსამზადებლად—ისე, რომ საერთოდ მოცულ იქნეს 150 კაცი;

გ) ათღლიანი კურსების ჩატარება რაიონებში სილოსზე მოსაქმე სოფლის მომუშავეთათვის—ისე, რომ მოცულ იქნეს 3.000 კაცი.

მოსამზადებელ კურსებგავლილი ყველა გამოყენებულ იქნეს მუდმივ სასილოსო მუშაობაზე.

8. ა/კფსრ მიწათმოქმედების სახალხო კომისარიატმა უნდა შეიმუშაოს 1932 წ. თებერვლის 1-თვის სასილოსო ნაგებობათა ტიპები სარაიონო ხაზით, ანგარიშში ადგილობრივ არსებული საშენი მასალის მიღებით, და უნდა უზრუნველყოს თავის დროზე განცხადებების წარდგენა გარედან შემოსატანი საშენი მასალის ფონდების შესახებ.

9. ა/კფსრ მიწათმოქმედების სახალხო კომისარიატმა უნდა გამოსცეს 1932 წ. მარტის 1-თვის ეროვნულ ენებზე სასილოსო მშენებლობის პლაკატები და არა ნაკლებ ორი პოპულიარული ბროშურისა დასილოსებისა და სასილოსო მშენებლობის შესახებ, და უნდა უზრუნველყოს ამ ლიტერატურით სოფლისა და რაიონების მომუშავეთა მოსამზადებელი მასური კურსები.

10. წინადადება მიეცეს ა/კფსრ მიწათმოქმედების სახალხო კომისარიატს— აღძრას ლენინის სახელობის სასოფლო-სამეურნეო აკადემიის სრულიად საკავშირო საკვებთა ინსტიტუტის წინაშე საკითხი—ამიერკავკასიის მეცხოველეობის ინსტიტუტის საკვებთა განყოფილების ბაზისზე საკვებთა ინსტიტუტის ამიერკავკასიის ფილიალის გახსნის დაჩქარების შესახებ. ა/კფსრ მიწათმოქმედების სახალხო კომისარიატმა უნდა მოავაროს სსრკ-ის ბიუჯეტით 1932 წ. ხარჯთაღრიცხვაში ფილიალის შესანახი ხარჯის შეტანა.

11. დამტკიცებულ იქნეს ა/კფსრ მიწათმოქმედების სახალხო კომისარიატის მიერ წამოდგენილი იმ კანდიდატთა სია, რომელნიც დაპრემირებულ უნდა იქნენ დასილოსებისა და სასილოსო მშენებლობის სფეროში საუკეთესო მუშაობისათვის; წინადადება მიეცეს მას—შეამოწმოს ორი კვირის ვადაზე რაიონებში ცნობები ადგილობრივ, რის შემდეგაც გასცეს პრემიები.

12. რათა დამზადებული სასილოსო მასსა საეხებით იქნეს გამოყენებული, წინადადება მიეცეს ა/კფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს—დაავალონ შესაქონლეობათ მეურნეობათ და დამზადებული სასილოსო მასისს მქონე სასოფლო საბჭოებს—გამოპყონ ათი დღის ვადაზე სპეციალური სასილოსო ჯგუფები ან ბრიგადები სასოფლო-სამეურნეო საწარმოო თათბირების შედგენილობით და დაავალონ მათ სილოსის წესიერი გამოყენება და 1932 წ. სასილოსო კამპანიისათვის მომზადება; ყველა რაიონში, 1932 წ. იანვრის 1-სა და 10-ს შუა, მოწყობილ იქნეს 3 და 5-ღლიანი კურსები სოფლის აქტივისათვის ინსტრუქტირების გასაწევად—როგორ უნდა გაიხსნას სასილოსო ორმოები და როგორ უნდა იკვებებოდეს საქონელი სილოსით; დაევალოს მიწათმოქმედების სახალხო კომისარიატებს—უზრუნველყონ რაიონები სათანადო ლექტორთა ძალებით.

ამიერკავკასიის ცენტრალური
აღმასრულებელი კომიტეტის თავმჯდომარე ფ. მახარაძე.

ამიერკავკასიის ცენტრალური
აღმასრულებელი კომიტეტის მდივნი გ. სულთანოვი.

1931 წ. დეკემბრის 25.
ტფილისი.

დადგენილება ა/კსფსრ სახალხო კომისართა საბჭოსი.

258. ავტო-მოტო-ტრანსპორტის აღნუსხვის შესახებ.

ა/კსფსრ სახალხო კომისართა საბჭო ადგენს:

1. ავტო-მოტო-მანქანების აღნუსხვა და სანომრო ნიშნების გაცემა ა/კსფსრ ტერიტორიის ფარგლებში დაეკისროს შემდეგ ორგანოებს:

ა) იმ ქალაქებში, რომლებიც ცენტრებია ა/კსფსრ შედგენილობაში შემავალი რესპუბლიკებისა, ავტონომიური რესპუბლიკებისა და ავტონომიური ოლქებისა, — გზატკეცილებისა, ყამირგზებისა და საავტომობილო ტრანსპორტის სათანადო სამმართველოებს (ან განყოფილებებს);

ბ) იმ ქალაქებში, რომლებიც გამოყოფილ არიან დამოუკიდებელ საადმინისტრაციო-სამეურნეო ერთეულებად და რესპუბლიკების ცენტრები არ არიან (პუნ. ა), — სათანადო საქალაქო საბჭოების კომუნალური მეურნეობის განყოფილებებს;

გ) იმ რაიონებში, რომელთა ტერიტორიაზედაც საგზაო სახაზო უბნების კონტორებია, — ამ კონტორებს ან სარაიონო ავტო-ინსპექტორებს, ხოლო სხვა ადგილებში — საგზაო მშენებლობის სარაიონო ორგანოებს (საგზაო მშენებლობის ინსპექტორებს, საგზაო ტექნიკოსებს და სხვ.).

2. ამა დადგენილების 1-ლი მუხლის „ბ“ და „გ“ პუნქტებში აღნიშნული ორგანოები ავტო-მოტო-ტრანსპორტის აღნუსხვის მხრით ექვემდებარებიან გზატკეცილებისა, ყამირგზებისა და საავტომობილო ტრანსპორტის სათანადო სამმართველოების დირექტივებსა და ხელმძღვანელობას.

3. დაევალოს ყველა იმ დაწესებულებას, საწარმოს და ორგანიზაციას, აგრეთვე კერძო პირს, რომლის გამგებლობაშიაც ავტო-მოტო-მანქანებია, წარუდგინონ ხოლმე აღნუსხვისათვის საჭირო ცნობები და ცნობები ამ მანქანების ტექნიკური მდგომარეობის შესახებ ამა დადგენილების 1-ლ მუხლში აღნიშნულ ორგანოებს იმ წესებისა და ვადების მიხედვით, რაც დადგენილ იქნება გზატკეცილებისა, ყამირგზებისა და საავტომობილო ტრანსპორტის სრულიად საკაფშირო ცენტრალური სამმართველოს ინსტრუქციით და ა/კსფსრ გზატკეცილებისა, ყამირგზებისა და საავტომობილო ტრანსპორტის მთავარი სამმართველოს სავალდებულო დადგენილებით.

4. ავტო-მოტო-მანქანების სააღნუსხვოდ დადგენილი წესების დარღვევისათვის ის პირნი, ვის გამგებლობაშიაც ავტო-მანქანებია, პასუხს აგებენ საადმინისტრაციო ან სისხლის სამართლის წესით საქმის გარემოებათადავგარად.

5. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს:

ა) დააარსონ რესპუბლიკანური გზატკეცილებისა, ყამირგზებისა და საავტომობილო ტრანსპორტის სამმართველოების შედგენილობაში სარაიონთაშორისო

ავტო-ინსპექტორების თანამდებობანი ავტო-მოტო-ტრანსპორტის აღნუსხვისათვის ინსტრუქტირებისა და ინსპექტირების გასაწევად და ავტო-მოტო-ტრანსპორტის ტექნიკური მდგომარეობისათვის და წესიერად გამოყენებისათვის თვალყურის სადევნებლად; საამისო სათანადო ხარჯები შეტანილ უნდა იქნეს რესპუბლიკანურ სახელმწიფო ბიუჯეტებში;

ბ) განახორციელონ ღონისძიებანი, რათა მილიციის ორგანოებმა გააძლიერონ ზედამხედველობა ავტო-მოტო-ტრანსპორტის მოძრაობის წესების დაცვისათვის, კერძოდ—სათანადო სანომრო ნიშნის ქონისათვის;

გ) შეიტანონ რესპუბლიკანურ კანონმდებლობაში ამა დადგენილებიდან გამომდინარე ცვლილება.

ა/კსფსრ სახალხო კომისართა

საბჭოს თავმჯდომარე მ. ორახელაშვილი.

ა/კსფსრ სახალხო კომისართა

საბჭოს საქმეთა მმართველი ა. შავერდოვი.

1931 წ. სექტემბრის 16.

№ 431.

ტფილისი.

დადგენილება ა/კსფსრ სახალხო კომისართა საბჭოსნი.

259. 1932 წელს სახალხო მეურნეობის შრომის ბალანსების წარდგენის ვადების შეცვლის შესახებ.

ა/კსფსრ სახალხო კომისართა საბჭო აღდგენს:

1. „1932 წელს მუშა-ძალით სახალხო მეურნეობის მომარაგების უზრუნველყოფის წესის შესახებ“ გამოცემული ა/კსფსრ სახალხო კომისართა საბჭოს 1931 წ. დეკემბრის 1-ის დადგენილების შესაცვლელად („ზარია ვოსტოკა“-ს 327 №-ი 1931 წ. დეკემბრის 6-სა) დაევალოს ა/კსფსრ სახელმწიფო საეკგმო კომისიას და ა/კსფსრ შრომის სახალხო კომისარიატს—წარმოადგინონ 1932 წ. ა/კსფსრ-ში საჭირო მუშა-ძალის ჯუმლობითი ბალანსი არა უგვიანეს 1932 წ. მარტის 15-სა.

2. წინადადება მიეცეს ა/კსფსრ სახელმწიფო საეკგმო კომისიას და ა/კსფსრ შრომის სახალხო კომისარიატს—ამა დადგენილების 1-ლი მუხლის შესაბამისად, განსაზღვრონ ა/კსფსრ შედგენილობაში შემავალი რესპუბლიკების საწარმოთა, საბჭოთა მეურნეობებისა, დაწესებულებებისა, უწყებებისა, სახელმწიფო საეკგმო

კომისიებისა და შრომის სახალხო კომისარიატებისათვის შრომის ბალანსების შედგენის ვადები.

ა/კფსრ სახალხო კომისარია საბჭოს
თავმჯდომარის მოვალ. აღმსრ. ს. ფირუშოვი.

ა/კფსრ სახალხო კომისარია
საბჭოს საქმეთა მმართველი ა. შავერდოვი.

1931 წ. დეკემბრის 25.

№ 432.

ტფილისი.

გამოქვეყნებულია „ზარია ვოსტოკა“-ს 346 №-ში 1931 წ. დეკემბრის 29-ს.

დადგენილება ა/კფსრ სახალხო კომისარიათა საბჭოსი.

260. ა/კფსრ-ში 1932 წლისთვის ხელშეკრულებათა დადების შესახებ.

ა/კფსრ სახალხო კომისარია საბჭო ადგენს:

1. ა/კფსრ-ში 1932 წლისთვის სამეურნეო ორგანიზაციებს შორის გენერალურ ხელშეკრულებათა დადება დამთავრებულ უნდა იქნეს არა უგვიანეს 1932 წლის იანვრის 10-ისა, ხოლო ამ ხელშეკრულებათა საფუძველზე ლოკალური ხელშეკრულებებისა და პირდაპირი ხელშეკრულებების დადება—არა უგვიანეს 1932 წ. იანვრის 20-სა.

2. დაევალოს სამეურნეო ორგანიზაციებს—გაითვალისწინონ ხელშეკრულებებში ყველა აუცილებელი პირობა, კერძოდ—საქონლისა და პროდუქტების რაოდენობა, ასსორტიმენტი და აგრეთვე თვისება, გაყიდვ-მიწოდების ზედმიწევნითი ვადები, ფასები და ანგარიშგასწორების წესი; თანაც უნდა აღინიშნოს ხელშეკრულების აღუსრულებლობის შედეგი (საურავი, პირგაუტეხელობის ჯარიმა, ზარალის ანაზღაურება).

გენერალური ხელშეკრულებით გათვალისწინებული უნდა იყოს ლოკალური ხელშეკრულების დადების ზედმიწევნითი ვადა და აგრეთვე საურავი და პირგაუტეხელობის ჯარიმა ლოკალური ხელშეკრულების დაუდებლობისა თუ არა თავის დროზე დადებისათვის. საურავს და პირგაუტეხელობის ჯარიმას გადაიხდის ის ორგანიზაცია, რომელიც უშუალო პასუხისმგებელია ლოკალური ხელშეკრულების დაუდებლობის თუ არა თავის დროზე დადებისათვის განსაზღვრულ ვადაზე.

3. გენერალური, ლოკალური და პირდაპირი ხელშეკრულების ცალმხრივი მოშლა და შეცვლა შეიძლება მხოლოდ შემდეგ შემთხვევაში:

ა) ცალკეული უწყების განკარგულებით, უკეთეს ხელშეკრულება დადებულა მის უშუალო ქვემდებარე საწარმოთა და ორგანიზაციათა შორის;

ბ) როდესაც მხარენი თანახმანი არ არიან,—ა/კსფსრ უმაღლესი ეკონომიური საბჭოს დადგენილებით, უკეთეს ხელშეკრულება დადებულია სხვადასხვა უწყების არა საერთო-საკავშირო მნიშვნელობის საწარმოთა და ორგანიზაციათა შორის და უკეთეს ერთ-ერთი მხარე მაინც საამიერკავკასიო (ფედერატიული) მნიშვნელობის მქონე საწარმო ან ორგანიზაცია.

4. ხელშეკრულების ყოველგვარი ცვლილება იმ მხარემ, რომელმაც შეიტყო ამის შესახებ მთავრობისა თუ უწყების დადგენილება (მუხ. 3), უნდა აცნობოს მეორე მხარეს დაუყოვნებლივ, დადგენილების მიღებისათანავე.

5. რესპუბლიკანური და ადგილობრივი მნიშვნელობის საწარმოთა და ორგანიზაციათა შორის დადებულ ხელშეკრულებების მოშლისა და შეცვლის წესი განისაზღვრება ა/კსფსრ შედგენილობაში შემავალი რესპუბლიკების კანონმდებლობით ამა დადგენილებისა და სსრკ-ის სახალხო კომისართა საბჭოს 1931 წ. დეკემბრის 17-ის თარიღისა და 1140 №-ის დადგენილების შესაბამისად.

ა/კსფსრ სახალხო კომისართა საბჭოს
თავმჯდომარის მოვალ. აღმსრ. ხ. ფირუშოვი.

ა/კსფსრ სახალხო კომისართა საბჭოს
საქმეთა მართველი ა. შავერდოვი.

1931 წ. დეკემბრის 25.

№ 433.

ტფილისი.

გამოქვეყნებულია „ზარია ვოსტოკა“-ს 346 №-ში 1931 წ. დეკემბრის 29-ს.

დადგენილება ა/კსფსრ სახალხო კომისართა საბჭოსი.

261. საექსპორტო ხეტყის დატვირთვაზე პორტებში მოსაქმე მუშე-ბისათვის შეღავათების მინიჭების შესახებ.

ა/კსფსრ სახალხო კომისართა საბჭო ადგენს:

„მუშა-ძალით პორტებში დატვირთვა-გადმოტვირთვის სამუშაოთა უზრუნველყოფის შესახებ“ გამოცემული სსრკ-ის სახალხო კომისართა საბჭოს 1931 წ. ნოემბრის 30-ის დადგენილების შესაბამისად, ის შეღავათები, რაც განსაზღვრულია სსრკ-ის სახალხო კომისართა საბჭოს 1931 წ. სექტემბრის 21-ის დადგენილებით „ხეტყის დამზადებისა და გამოზიდვის შესახებ“ და ა/კსფსრ სახალხო კომისართა საბჭოს 1931 წ. ოქტომბრის 16-ის დადგენილებით—ხეტყის დამ-

ზადებაზე და წყლით ჩამოტივტივებაზე მოსაქმე მუშებისათვის („ზარია ვოსტოკა“-ს 294 № 1931 წ. ოქტომბრის 25-სა), გავრცელებულ იქნეს საექსპორტო ხეტყის დატვირთვაზე პორტებში მოსაქმე მუშებზე.

ა/კსფსრ სახალხო კომისართა საბჭოს
თავმჯდომარის მოვ. აღმსრ. ს. ფირუშოვი.

ა/კსფსრ სახალხო კომისართა საბჭოს
საქმეთა მმართველი ა. შავერდოვი.

1931 წ. დეკემბრის 25.

№ 434.

ტფილისი.

გამოქვეყნებულია „ზარია ვოსტოკა“-ს 346 №-ში 1931 წ. დეკემბრის 29-ს.

